

[FLASH NOTES]

GENERAL REVISION

Dose response curve-antagonists types- receptors types

الكلام بتاع النهاردة معلش فيه جزء منه هيتعاد عشان الناس اللي حضرت معنا يوم الخميس كان وراهم محاضرة دكتور عزة فملحقناش نخلص معاهم الكلام, فمعلش اللي سمع الكلام قبل كدة ميزهاش. احنا كنا بدأنا نتكلم عن موضوع ال pharmacodynamic وقسمناها الى نقطتين كبار نقطة سمينها ال mechanism of action لو فكرين, ونقطة سمينها pharmacological actions

لما جينا نتكلم بقى عن الطرق المحتملة اللي ممكن الدوا يشتغل بيها, the possible mechanisms of action بتاعت الدوا كان عندنا سبع طرق مش كدة؟ كان عندنا طرق أي كلام بس في الأول كدة اسمها physical mechanisms. من ضمنهم طريقة اسمها adsorption أو يعمل osmosis وقلنا عندنا مثلين على ال adsorption قلنا قبل كدة في علاج ال diarrhea ال charcoal, وفي ال oral drug toxicity. الطريقة اللي اسمها osmosis طريقة معقولة الى حد ما في الكلام, كان عندنا مثال اللي هو ال osmotic diuretic ومثال تاني اللي هو ال osmotic ال osmotic diuretic اللي هو كان ال mannitol و ال osmotic purgative ال magnesium sulphate اللي هو طريقة شغله لما بيتبلع بيحوش مية ويعمل bulk والكلام دة كله.

الطريقة الثانية كان عندنا حاجة اسمها chemical mechanism of action وتحت العنوان دة كان عندنا احتمالين يا اما الدوا يشتغل by neutralization, وبرضه كان عندنا مثلين مشهورين اوي: ان أنا يكون عندي hyperacidity وأدي antiacid, فيحصل chemical neutralization أو chemical antagonism زي ما بنسميه. المثل اللي يمكن كان أهم بالنسبة لنا هو ال Heparin وقلنا يمكن ان أنا لو عايز اضيع شغل ال heparin بما انه دوا عنده acidity عالية وعليه negative charge, بدي دوا antidote دوا عكسه تماما دوا بيكون electropositive, وعليه وفي نفس الوقت basic اللي سميناه protamine sulphate. وأخذنا chealation بقت مفهومة دلوقتي ولا لسة معناها غامض؟

Chelation معناها اننا بيبقى عندي heavy metal poisoning او heavy toxicity ب heavy metals واننا أدي عشان أعالجه, اننا أدي organic compound فيحصل تفاعل ما بينهم, وتكون النتيجة اننا أدي compound جديد يكون Non-toxic و non-soluble ويبقى سهل التخلص منه. طبعا الأمثلة كتيرة لكن اشهر مثل: ال desferroxamine في علاج ال acute iron toxicity.

الطرق الثانية بقى اننا أمانع ال cell division زي ما بنعمل في أدوية السرطان, اننا أمانع ال metabolic pathway زي ال sulfonamides ما عملت في ال bacteria, اننا أشتغل على ال cell membrane باننا أمانع ال ion channel زي ما بيعملوا مجموعة ال local anesthetics يقفلوا ال sodium channel أو ال calcium channel blockers يقفلوا ال calcium channels.

VISIT...

LANZAROTE
Caliente.COM

طريقة الشغل على enzymes كان الكلام كله على ان الدوا يعمل inhibition على enzyme وقلنا ان فيه طريقة انه يشتغل على الenzyme by either: reversible enzyme inhibition أو irreversible enzyme inhibition. آخر طريقة وقفنا عندها طريقة الreceptors وقلنا وقتها ان الدوا طريقة شغله بتبقى by action on receptors وقلنا وقتها ان الreceptor دة بيبقى عبارة عن ايه. واتفقنا وقتها ان الreceptor ما هو الا protein بس ليه حجم كبير شوية سموه macromolecular protein, وليه شكل مميز, والأماكن اللي موجودة فيها الreceptors كلوكوا عارفين يا اما على الcell membrane من برة يا اما في الcell من جوة سواء في الcytoplasm أو على مستوى الnucleus. وقلنا فيه definition كلوكوا عارفينه من قبل الpharma يعني. اتفقنا فيه حاجة اسمها ligand وان الligand دة أي chemical substance which has the ability to bind to the receptors. أي حاجة سواء الحاجة ديه كانت hormone ودة مؤجل شوية ان شاء الله، أو neurotransmitter ودة ان شاء الله هندرسه في الacetylcholine وautonomic: noradrenaline وغيره. أو يكون الligand دة عبارة عن دوا. الخاصية اللي عن طريقها الدوا أو الligand عموما يمسك في الreceptor كان اسمها affinity صح. كلمة affinity خلاص عرفناها اللي هي معناها the ability to bind to the receptor او يسموها زي مما الكتاب بتاعنا قایل كدة the ability to fit onto the receptor ان الدوا بتاعك يمسك أوي في الreceptor وخلي بالك هو السبب انه بي fit onto the receptor, ليه الدوا يمسك في مكان وميعرفش يمسك في مكان تاني؟ الlock and key theory اللي هو الشكل المكمل ما بين شكل الreceptor وشكل الدوا.

جينا قسمنا بقى الdrugs اللي هو الكلام بقى الpharma قسمنا الdrugs acting on receptor الى ثلاث احتمالات: الدوا اللي بيشتغل على الreceptor يا اما يكون agonist أقدر اسميه بشكل مبسط أوي انه بي stimulate the receptor وفيه دوا تاني تقريبا عكسه بيسموه antagonist او بيسموه blocker وفيه دوا دائما نقول عليه in between أو نقول عليه بين البينين partial agonist. اللي فيكوا بقرا من كتب تانية هيلاقى الagonist دائما مكتوب عليه full agonist الدوا اللي بي stimulate الreceptor في الكتب الكبيرة بنسميه full agonist, الantagonist أحيانا بنسميه blocker, تسميات يعني متشابهة أوي. الpartial agonist يقولوا عليه في بعض الكتب dualist. Dualist لأنه متشابه في بعض الحالات مع الagonist أو في بعض الصفات يعني، ومتشابه في حالات تانية مع الantagonist.

طيب على أساس ايه بقى انا بقول الدوا دة agonist ولا antagonist ولا partial agonist؟

عندنا ثلاث صفات مش كدة، عندنا ثلاثة criteria على اساسها بحط الدوا دة في التصنيفة بتاعته، أول حاجة الaffinity. يا ترى موجودة في أنهي دوا الagonist ولا الantagonist ولا الpartial agonist؟ موجودة في كله مش كدة، الaffinity معناها قدرته انه يمسك في الreceptor، وديه موجودة في كل الligands بكل الأدوية اللي بتشتغل على الreceptor.

الخاصية نمرة اثنين يسموها ال efficacy أو يقولوا عليها في بعض الكتب ال intrinsic activity النشاط الذاتي أو القدرة الذاتية بتاعت الدواء، اللي هي معناها ايه؟ يعني لما اقولك الدواء الفلاني ليه efficacy معناها ايه؟ يعني يقدر يغير نشاط الخلية مش كدة. The ability to change the cell activity, the ability to evoke a response مكتوب في الكتاب كدة ان الدواء بتاعك لما يمسك في ال receptor ان الخلية ديه يحصل فيها تغير في النشاط، والتغير في النشاط دة هل بالضرورة stimulation؟ لأ، هو ممكن يكون stimulant action أو depressant action. ويمكن الناس اللي حضروا الجزء دة للأخر هفكركو بال adrenaline، ال adrenaline بيشتغل ك agonist على ال beta receptor في ال heart، وك agonist على ال beta receptor في ال intestine. لما ال adrenaline بيشتغل على ال beta receptor of the heart بينشط خلايا القلب، بيزود كل حاجة: rate, conduction, contraction، و excitability وكله. لما يشتغل نفس الدواء على نفس ال receptor بس في ال small intestine يحصل inhibition لل tone of the small intestine. في الخالتين ال adrenaline is an agonist، وديه نقطة مهمة اوي وموجودة بشكل عادي جدا جدا في ال agonist. ومننشاش برضه عشان الكلام يبقى واضح ال agonist لما يمسك في ال receptor ال effect ال effect بتاعه أو ال response بتاعه يحصل في اللحظة اللي بيتحدوا فيها مع بعض. مفهوم قصدي ايه؟

يعني أدبي receptor أهو جه دوا agonist مسك عليه الوقت اللي الاتنين فيه بيبقوا حاجة واحدة ال drug-receptor complex هو دة الوقت اللي بيحصل فيه ال response. لو فضل ال agonist قاعد على ال receptor بتاعه مش هيزيد ال response، مش هيزيد، بالعكس دة هيبقى قاعد ملهوش لازمة، ومانع غيره من انه يبجي يشتغل. واخذ بالك، فخلي بالك ان ال drugs ممكن يكون مرسوم عندك في الكتاب هوريك حالا: drug+receptor بيدي في وقت من الأوقات حاجة اسمها drug-receptor complex اللاتنين بقوا كأنهم مركب واحد دة يدك response.

الفكرة كلها في ال agonist انه يمسك في الخلية affinity، ويغير نشاط الخلية، وبص بقى الثالثة حاجة أسمها: rate of association and dissociation. يعني سرعة اتحاد الدواء مع ال receptor وسرعة انفصال الدواء عن ال receptor مش دة المقصود ب association و dissociation يعني انفصالهم عن بعض. ال agonist من أهم صفاته ان ليه rapid rate of association يمسك في ال receptor بسرعة، واللحظة اللي مسك فيها غير نشاط الخلية، ويفك بسرعة.

Rapid rate of association. ال rate of association دة يسموه في الكتب حرف ال K capital كدة كبير وتحتها (Ka) اللي هو بيسموه باختصار constant of association. سرعة: أني بقيس rate بقيس سرعة اتحاد الاتنين مع بعض، وسرعة انفصالهم عن بعض (constant of dissociation) (Kd)، هي مش مهمة أوي بالنسبة لك بس عشان لما تشوفها في الكتاب تفهم المعنى دة. هو مقياس لسرعة اتحاد الدواء مع ال receptor وسرعة انفصاله.

قللي بقى The more, the more ايه بقى؟ the more rapid rate of association and dissociation the more the response ليه كل ما مسك بسرعة وفك بسرعة

كل ما بقي أحسن. عشان قلنا يمكن مثل بلدي شوية بس عشان افهمك، لو افترضت ان ديه خلية من خلايا القلب كدة ودة ال beta receptor اللي عليها هفتراض معاك مجازا كدة ان عليها أربعة receptors وال molecules بتاعت ال agonist كتير أوي. ال molecules بتاعت ال adrenaline عددها ضخم جدا لو افترضت ان كل molecule جه مسك هنا وقعد يبقى اللي هيشغل أربعة والباقي قاعد مبيعلمش حاجة لكن لو ال molecule دة جه مسك واول ما مسك حصل response وساب وجه واحد تاني مسك وساب، وجه واحد ثالث مسك وساب، والي مسك دة ممكن يروح يمسك في ال receptor دة، وبالتالي كل ما يحصل rapid rate of association والأهم منه يبقى rapid rate of dissociation يفك بسرعة ويدي فرصة ل other molecules انها تمسك في ال receptors كل مازاد ال response. مفهوم يا جماعة؟

طيب دة أنا عرفت كدة بالنسبة لخواص ال agonist، يبقى كل ما يبجي agonist في المنهج من أوله لأخره كدة يبقى انت عرفت ان هو يمسك في ال receptor بيشغل ازاى. لما أقولك dopamine agonist يشتغل على adrenergic receptors هيعمل ايه؟ فهمت ان ال dopamine بيحقق التلات شروط، عنده affinity على ال receptor ويحقق الموضوع دة، وعنده efficacy بغير نشاط الخلية سواء بالزيادة او النقص. وحاجة مهمة اوي انه يمسك بسرعة ويفك بسرعة rapid rate of association and dissociation.

طيب تعالى بقى نشوف ال antagonist. معلش يا جماعة هنرجع للكتاب أنا بس ماشي بترتيب مش زي الكتاب أوي فمش عايز أحيرك، لكن بعد مانخلص هنرجع نبص في الكتاب على كل حاجة. تعالى نبص على ال antagonist أو ال blocker. ايه الخواص بقى أو ايه التلات حاجات اللي قلناها في ال agonist هتبقى مختلفة في ال blocker؟ تفكر بقى ايه اللي موجود في ال antagonist مش موجود في ال agonist؟ اول حاجة ال affinity ال affinity قلنا انها حاجة موجودة في كل ال ligands يبقى قلنا ان ال affinity مش هي الفرق. يا ترى ال efficacy موجودة ولا لأ؟ يعني ياترى الدوا ال antagonist لما يمسك في ال receptor يغير نشاط الخلية؟ لأ ال antagonist has zero efficacy، صفر مايقدرش يعمل حاجة خالص، طيب أمال ايه فكرته في الطب، ليه بدى دوا يبجي يقعد على ال receptor دة؟ لن ال rate of dissociation بتاعه بطيء، ليه ما يسمى بال slow rate of association and dissociation معناه ايه بقى؟ هو جه قعد في المكان، احتل المكان، وفضل قاعد فترة طويلة، فيمنع ان ال agonist يوصل لل receptor. يبقى ديه فكرة ال blocker، ال blocker بيتاخذ مش عشان هو بيعمل حاجة بنفسه ال blocker ملهوش efficacy هو كل الهدف منه to prevent the access وامن وصول ال agonist لل receptor بتاعه تمام. آخر حاجة بقى هقولك مثال كدة في ال blocker وهنرجع نبص على الأدوية دوا اسمه propranolol يبقى أنا عرفت مثلا مثلا ان فيه receptor اسمه ال beta، وفيه agonist اسمه adrenaline، وعرفت antagonist اسمه propranolol وهفكرك دلوقتي وهقولك مثال بالأرقام ايه الفرق ما بين الاثنين.

ايه بقى حكاية ال partial agonist أو يقولوا عليه dualist. دوا يعني لو سألتني كدة ملوش قيمة كبيرة في الطب، يعني معدش ليهم قيمة في الطب، انت لو عايز تنشط receptor ادي agonist عايز تقفل receptor ادي antagonist. ايه بقى ال partial agonist؟ هو فيه

خاصية الaffinity اللي موجودة في كل الأدوية، تعالى بقى نبص على الefficacy. أخبار ال efficacy بتاعته ايه؟ ال efficacy بتاعت ال agonist كانت عاملة ايه؟ عالية efficacy high مش كدة. ال antagonist كان zero. ال partial agonist: in between يعني ايه؟ between؟ يعني يقدر يغير نشاط الخلية بس مش بنفس قوة ال agonist وأكد مش قد ال antagonist اللي هو اصلا ال efficacy بتاعه تساوي zero. يبقى هو له شوية efficacy، له القدرة على تغيير نشاط الخلية بس مش أوي. ال character التالت اللي فيه شبه ال antagonist، ان هو له slow rate او هو مكتوب في الكتب moderate to slow، هو الحقيقة له slow rate of dissociation يعني يبجي يمسك فس ال receptor ويفضل قاعد شوية، يبقى أنا بستخدمه له ال partial agonist دة، طالما هيبجي يحتل ال receptor ويقعد فترة طويلة يبقى هيمنع وصول ال agonist. يبقى انا بخده عشان هو زي ال antagonist صح، فهمتوا قصدي بقى؟

السؤال بقى اللي هتخير نفسك بيه طب أنا له مستعملش ال antagonist على طول، بدي partial agonist؟ دة سؤال clinical، انت حر لما تتخرج، استخدم اللي انت عايزه، متستخدمش خالص ال partial agonist لكن في الامتحان هبقى عايزك عارف الفرق ما بين ال partial agonist وال Clinically antagonist. معدش ليهم قيمة. عايز تنشط ادي agonist عايز تقفل ادي antagonist فهمت قصدي طيب.

فيه بقى دوا يمكن مش موجود دلوقتي في المنهج لكن موجود بعدين مثال يعني لل partial agonist اسمه Pindolol. Pindolol يبقى دة ايه؟ beta blocker طيب.

أنا عايزك بقى عشان نحسم الموضوع، أطمئن يعني ان انت فهمت الفرق بين التلاثة ال agonist وال antagonist وال partial agonist. تخيل معايا ان فيه عيان بنديله adrenaline، وواحد تاني بنديله propranolol، وواحد تالت بنديله pindolol عشان أساعدك بس عشان احنا لسة فس الأول: دة agonist على ال beta receptor، ودة antagonist، ودة partial agonist. فهمين سؤال؟ تلاثة عيانيين اهم او مش شرط عيانيين تلاثة ناس عاديين: واحج خد agonist اسمه adrenaline وواحد خد antagonist اسمه pure antagonist مش كدة يعني بيقتل مباشرة كدة وواحد خد دوا بين البينين دة اللي اسمه pindolol. هفترض معاك ال heart rate في التلاثة كان 70 مثلا. بعد ال adrenaline؟ يعلى، أكيد هيعلى لن ال adrenaline agonist هيشغل ال beta واحد وأنا فاكر بقى وان شاء الله هفتكر في ال autonomic ال beta فيه كانت بتزود كل ال cardiac properties يبقى أبو 70 دة هيبقى 100، 110، 120 طيب. Propranolol؟ لأ فكر بقى. أيوة بالطبط، هو انا عندي endogenous كدة adrenaline و nor adrenaline رايعين يشغلوا ال beta. مش فيه sympathetic supply وفيه adrenaline طالع من ال adrenal medulla بيروحوا يشغلوا ال beta واحد. وفيه قصادهم parasympathetic صح؟ ال para دة عبارة عن vagus nerve أو vagus nerve بيطلع acetyl choline يعني بيشغل عل receptor تاني. الاتنين شغالين قصاد بعض، وأنا ضربات قلبي دلوقتي هي محصلة دة مع دة. طيب أنا لما أجي دلوقتي أدي PROPRANOLOL أنا ال heart rate بتاعي 70 hg70 دة كان محصلة الخناقة ما بين ال sympathetic وال para. أنا لما اديت beta blocker انا قفلت مين؟ ال beta بتاع ال sympathetic وسبت مين ال para فلانم ال heart rate بتاعي هيقبل.

هل هو قل عشان ال propranolol ليه efficacy؟ ل خالص دة هو كل اللي عمله انه قعد على ال beta receptor منع وصول ال adrenaline وال nor adrenaline عن ال receptor فهمنا بقى الفكرة. طب الشاطر بقى اللي يقولي ال pindolol, صح برافو عليك, هيزيد الأول صح, هيزيد الأول شوية صغيرين كدة يعني مثلاً مثلاً من 70 ل 80 كدة وبعدين يرجع يقل. ليه زاد وليه قل؟ زاد عشان له شوية efficacy صح, يعني يقدر يغير نشاط الخلية زيه زي ال adrenaline بس مش زيه كقوة لأنه هو دة مش full agonist فال 70 بقوا 80. وبعد كدة فضل قاعد على ال receptor اتصرف كأنه ايه؟ antagonist فبدأ يايه؟ يمنع ال adrenaline انه يوصل بتاع جسمك فبدأ ال heart rate يقلفهمنا بقى الفكرة يا جماعة. ايه الفرق ما بين ال agonist وال antagonist وال partial agonist. طيب قبل ما نبص في الكتاب.

ايو برافو عليكي ايوة slow rate of dissociation زي ال propranolol أيوة حنة الزيادة اللي في الأول بس.

طيب دة بالنسبة للفرق بين الثلاثة هم قعدت برضه الناس اللي بتعمل بحث على الأدوية يقولك هو ليه فيه agonist اقوى من الثاني يعني ليه فيه agonist يدي response عالي وليه فيه agonist يدي response أقل؟ صح. فبدأوا يفكرنا ان فيه حاجتين يحددوا ال effect أو ال response بتاع الدوا طبعا فيه حاجة اسمها ال efficacy ديه انا استبعدتها أنا ببص على ال other factors ال factor الأولاني حاجة بيسموها اللي انتوا قلتوها دلوقتي ال rate of association and dissociation rate theory مش كدة؟ لو كلن ال agonist دة بيمسك بسرعة أوي ويفك بسرعة أوي توقع ان ال effect بتاعه اعلى صح. نظرية سهلة اوي بيسموها, rate theory نظرية السرعة او نظرية ال... هتلاقي مكتوب ليها اسم في الكتاب كدة أظن يعني اسمه paton معرفش النطق الصح ايه, اسمه بايتون اسمه باتون معرفش بصراحة هو أصلاً جاي منين بس افكر ايه the rate theory: the more the rate of أو the higher the rate of association and dissociation, the more the response of the drug الثانية ال receptors مش كدة ال receptors اللي متاحة قدام ال agonist عشان يمسك فيها, فتفكر ايه العلاقة؟ يعني العلاقة طردية ولا عكسية؟ طردية بمعنى the more the response, the more the rate of association and dissociation, the more the response of the drug يعني لو الأربعة اللي أنا راسمهم دول بقوا عشرة اكيد ال response هيعلى لأن ال response زي ما قلتك اللحظة اللي ال agonist يمسك فيها ال receptor بيحصل ال response وبعديها يفك بسرعة. ديه اسمها ال occupation theory سموها كدة نظرية الاحتلال يعني, قعدت الناس تفكر كتير اوي مين اهم ومين النظرية المهمة, بس الحقيقة أعتقد يعني ان ال rate اهم, لأن غالباً ال number of receptors مش هيتغير اوي ال agonist نمرة واحد وال agonist نمرة اثنين بيشتغلوا على نفس العدد من ال receptors فال rate theory هتبقى الأهم. مش مهم طبعا مين أهم افكر بس النظريتين.

قبل ما انسى بقى عشان كتاب القسم قايل definition كدة هو يعني الحقيقة مكانش ليه لازمة يعني مش مهم اوي. لقوا ان ال agonist لما بيوصل لل maximum response بتاعه كل دوا زي ما هنقول ان شاء الله كل agonist ليه اقصى حاجة ممكن يعملها يعني اقولك مثلاً الدوا دو بيعالج الضغط أقصى حاجة ممكن يعملها انه يقلل الضغط 20

mmHg كويس. لو قعدت تزود جرعاته قد كدة من هنا لبكرة مش هيقبل عن 20 دة يسموه agonist Maximum response زي ما هنقول ان شاء الله دلوقتي. لو كان الدواء دة agonist وصل لل maximum response لقوا ان مش كل ال receptors are occupied by the agonist. يعني في اللحظة اللي هيوصل الدواء لأعلى تأثير دوائي له هتفضل بعض ال receptors فاضية، يعني مهياش occupied by the drug. وديه حاجة غريبة ولا مش غريبة؟ المفروض ساعة لما أوصل لل maximum يكون كله شغال مش كدة؟ لقينا ان فيه receptors مش ماسكة فيها الدواء Spare receptors هي spare بقى بالترجمة الحرفية معناها: احتياطي بقى استبن قطع غيار يعني حاجة زيادة. ولحد النهاردة مش عارفين وجودهم له، هو فيه كلام كتير اوي اول ما ظهوروا ال spare receptors وانهم هيفرقوا معنا كتير أوي في شغل الأدوية، طلع انهم ملهمش الدور أوي زي ما احنا كنا متخيلين، يمكن في بعض الحالات ال pathologically يمكن لو فيه blocker موجود. لكن generally كدة ملهمش قيمة كبيرة، بس عشان لو حد سألك ايه هم ال spare receptors فانت عرفت ولا معرفتش؟ ال receptors that are not occupied by the agonist even لما نوصل لل maximum response. طيب الجزء اللي جاي كدة. نبص في الكتاب عشان برضه الناس اللي بتحب تبص في الكتاب وصلنا لنمرة سابعة اللي هو action on specific receptors هو قالك بالتفصيل ايه ال receptor دة، هو عمل المعادلة اللي احنا عملناها. ان الدواء+ ال receptor هيدي drug-receptor complex، وبعدين فيه سهم كدة رايح كدة ايه response. الكلام دة ينطبق على أنهي من الثلاثة agonist ولا antagonist ولا partial agonist؟ يعني اللي هيديك سهم ال response دة هيبقى ايه؟ agonist ويمكن شوية أقل منه partial agonist لكن blocker ابدأ مفيش response. طب السهم الأولاني اللي مكتوب Ka دة ايه؟ rate of association. واللي راجع كدة تاني بقى، مهم في وقت من الأوقات كانوا ماسكين في بعض وبعدين رجعوا كدة تاني حصل فيهم dissociation. ففيه سرعة dissociation مهمة أوي اللي حصل فيها ايه ال agonist أخباره ايه؟ وكتب ال affinity رجع ففكرك بيها تاني: قدرة الدواء انه ي fit into the receptor. وبعدين ال efficacy ال intrinsic activity: قدرة الدواء انه يعمل ال response أو بين قوسين كدة زي ما اتفقنا انه يعمل change في ال cell activity. ال potency أجلها شوية، تعريف ال potency مش هنفهمه غير لما نشوف ال dose-response curve اللي موجود في صفحة 19. جه بعد كدة ال response قالك على ال two theories اللي احنا قلناهم ال rate of association theory. وفكرك تاني بال spare receptors وبعدين ال rate theory اللي هو كل مازاد ال rate زاد ال response.

النقطة اللي جاية بقى، معلش هنسب الكتاب برضه شوية، اللي هنقله دة عبارة عن علاقة في العمل عملناها بين ال drug وال response. أو ساعات بدل ما أقول dose أقول concentration وفي الحالتين واحد. يعني أقولك كدة الناس وان شاء الله كدة ربنا ما يوعدكوا الناس بتوع ال pharma زي حالتنا كدة يدولوا حدة intestine حدة من ال heart يدوله bladder، أي حدة صغنة كدة من isolated organ ويددوله دوا ويقولولوا اعمل drug-response curve الدواء دة ايه agonist ولا antagonist؟ لما يدوله كدة ويقولوله أعمل dose-response curve على هذا الدواء؟ أكيد agonist مش كدة، له. برافو عليكوا

لأن antagonist ملوش response أصلا.
 طيب انت بتقعد كدة أو بلاش انت ان شاء الله ميحصلش, أنا قاعد في المعمل وادولي دوا زي
 ال acetyl choline كدة عشنا أيام ويقولك اعمل dose-response على ال intestine ولا
 على ال rectus ولا مش عارف ايه.
 بتدي جرعة مثلا 1mgm say وتشوف ال response قد ايه. بتدي جرعة 2mgm بتدي
 response كدة 4mgm وهكذا, لحد ما توصل لوقت من الأوقات انت عمال تزود الجرعة
 وخلص وصلت لل maximum response كويس.

يروحوا عاملين بقى علاقة كدة, راسمين رسم بياني ما بين الجرعة الي أنا استعملتها ال
 dose وما بين ال response. فال response دة طبعا أنا بقيسه يعني أنا عرفت مثلا ان
 الجرعة كذا مثلا اديت 2cm contraction أعلى response وبعد كدة عليت ثلاثة cm
 فدة معنى العلاقة بين ال dose وال response بيطلع ال curve حاجة بيقلها كدة
 اسمها hyperbolic بيطلع ال curve عامل كدة. يعني مش عارف بالنسبة لكو ال curve من
 عندكو كدة شكلوا عامل ازاى. عامل كدة, كدة أهو بيطلع كدة وبيعدين يعمل plateau كل
 ما بزود ال dose بزود ال response لحد ما بوصل لل maximum response, لو زودت
 الجرعات بعد كدة ال response مش هيزيد. كويس كدة ال curve دة بالنسبة للناس بتوع
 الاحصاء مبطلعش نتائج دقيقة, يعني الكلام دة مبطلعش نتائج دقيقة ومبطلعش
 معلومات كتيرة مبطلعش منه معلومات مهمة أوي. لكن الأهم منه بقى بيديك curve
 اطول و more mathematic ادق رياضيا ومعلومات اني أستعمل بدل ال dose, log the
 dose. بدل ما أحط رقم الجرعة احط logarithm الجرعة فبيدي curve فيه نقط كتير أوي.
 انت عارف الفرق مثلا ما بين 2 و 4 في logarithm مثلا بيطلع صغير أوي. الفرق ما بين رقم
 اثنين ورقم اربعة: اثنين. أربعة ناقص اثنين اثنين. لما تعمل 2 و 4 log يطلع الفرق صغير
 أوي ويديك نقط كتير أوي على ال curve فيطلع شكل ال curve مش عارف كلكو
 هتشوفوا ولا لأ. أدي log ال dose وأبقى صلحها في الكتاب لأن لسة مكتوبة زي ما هي. يبقى
 ادي log the dose وأدي ال response يطلع ال curve شكله عامل كدة زي شكل ال S. نقول
 عليه sigmoid, Sigmoid بيتدي يطلع شوية شوية كدة وبعدين بوصل لل maximum
 response.

أنا ال curve دة أقدر أطلع منه كذا معلومة اقدر اطلع منه ال maximum response
 obtained by the drug ال Emax. يبقى دة مهم بقى لو طلعت منه ال Emax
 يبقى أنا طلعت منه ال maximum response ال Emax بقى هنا؟
 صح عند الحتة ديه, هنا كدة, لو جيت عند الحتة ديه كدة عملت خط. أقدر أطلع منه حاجة
 اسمها ال minimal effect يسموه E minimum حرف ال E كبير كدة وتحتيه min صغيرة
 دة ايه بقى؟ ده ال Minimum response obtained by the drug أقل حاجة مثلا الدوا دة
 بيعملها انه بيققل الضغط 2mmHg وأعلى حاجة يعملها المثال اللي قلتهولك من شوية انه
 يعلي الضغط 20mmHg. يبقى ال 2 ديه بالنسبة لي تساوي ال minimal effect وال 20
 تساوي ال maximal effect طيب. أقدر أطلع منه بقى حاجة اسمها the submaximal
 effect يعني ايه ال submaximal effect الترجمة الحرفية؟ sub يعني ايه؟ أقل من ال
 maximum اقدر ~ أعرف منه ال response اللي أقل من ال maximum. هقولك مثال

يعني دقيق هطلع منه حاجة اسمه ال E50 يعني ايه؟ هو ال Emax كانت ال maximum وال Emin كانت الأقل response ال E50 فيه ايه بقى؟ نص ال maximum response, يعني هطلع كام في المثل اللي أنا قلهولك دة؟ هو ال maximum كان 20 يبقى ال e50 هيطلع 10mmHg. طبعا أنا بحول الكلام دة بعد كدة لل laws بس خلي بالك. أدي ال maximum response أهو وأدي ال Eminimum وأدي ما يسمى بال E50 صعب الكلام دة يا جماعة؟ يبقى أنا بطلع منه رد فعل الدوا كل اللي أنا قلته دة عبارة عن response مش كدة يا maximum يا minimum يا حاجة مثلاً submaximum زي ال E50. الأهم من كدة بقى اقدر أعرف الجرعة اللي عملت ال response دة ولا مقدرش؟ يعني عايز اعرف الجرعة اللي عملت ال Eminimum هسميه الجرعة دي E_{Dmin} لما تلاقي حرف ال D بقى في الموضوع يبقى احنا دخلنا في جرعات. عايز اعرف ال Dose which produces the minimal response اعمل ايه؟ الكلام سهل بقى اوي انتوا أشطرنى في الرياضة، أجي على ال response اللي الدوا عمله وأنزل بخط كدة على ال log ال dose صح. فعرفت ال log ال dose اللي عملت كدة، يبقى اقدر أحسب الجرعة بقى يبقى دي أسميها E_{Dmin}. ال ED_{maximum} اعمل ايه؟ ال ED_{max} نفس الفكرة أجي على ال E_{max} وأنزل وأشوف log الجرعة وأعرف ال dose اللي عملت ال the maximum response. هو جرعة واحد؟ ال ED_{max} فيه جرعة واحد؟ لأ دة هم كثير بس أنا عايز اول واحدة عملت ال maximum response يعني جرعة اقصى حاجة عملتها ال maximum response. يعني جرعة 5mg لوخليتها مثلاً 10mg هتدي نفس ال response. فدة اللي بقيس ال ED_{maximum} من هنا، أهم جرعة في كل الجرعات فاكرا انت ال E50 كانت ايه؟ ال E50 لوحدها كانت ايه، كانت 50% من ال maximum response صح. عندي حاجة مهمة أوي بقى اسمها ال ED50 معناها ايه ال ED50؟ الجرعة اللي تديني 50% في المية من ال maximum response. أهو أدي ال E50 أهو اقوم نازل كدة، وأشوف الجرعة اللي عملت 50% of the maximum response قد ايه؟ يبقى فيه بالنسبة لي تساوي جرعة اللي اديتني 50% من ال maximum response الجرعة فيه مهمة ليه بقى؟ فاكرا الصفحة اللي فاتت كان فيه تعريف مهم اسمه ال potency واجلناه هي فيه ال potency هي فيه ال potency بالنسبة لي بتاعت الدوا اللي هي تساوي ايه؟ عايز تعريف، ال potency تساوي؟ صح، ال potency عبارة عن جرعة، ال potency بتاعت الدوا الفلاني يبقى الجرعة اللي اديتني ال 50% of the maximum response. فيه ناس بتحسبها بال ED70 ال ED50 متفرقش معايا المهم برافو عليك، المهم انها الجرعة ال submaximal بس جرى العرف يعني انها تتاخذ على انها ال 50% الجرعة اللي تعمل 50% of the maximum response. طيب امتي الدوا يكون more potent عن دوا؟ يعني دوا نمرة واحد ودوا نمرة اتنين عايز اقرن مين فيهم more potent؟ صح، اللي يديني خمسين في المية من ال maximum بجرعة اقل. يبقى ساعتها الدوا دة more potent مش كدة، وضحت الكلام يبقى لما أقولك ال potency أنا مبعلقش على الدوا على طول أنا بعلق على الجرعة بتاعت الدوا اللي اديتني response معين. طيب كتاب القسم بقى هتلاقيه راسم curve كدة احنا الكلام دة قلناه الحمد لله ال dose-response curve اللي مرسوم عندك خلي بالك بس ان اللي على الشما دة هو ال dose response واللي على اليمين هو ال log ال dose مع ال response. فاهم قصدي يعني اللي على اليمين دة ال curve

ين الي جمب بعض الي على اليمين دة log dose مش dose على طول، عشان يطلع شكل ال curve: S shaped او الي هو ال sigmoid. بص بقى على ال curve فيه كلام مكتوب كدو dose response curve وايه العلاقة ما بين المش عارف ايه وايه وحسبت منه ايه والكلام الجميل دة كله. في امتحانتنا بقى، عندنا في ال mcq يجيبك curve زي ال curve الي عندك الي هو فيه ثلاث ادوية A, b, C دة. كتير جدا جدا السؤال دة في نص السنة وفي آخر السنة. هو عايز يقارن مابين ثلاث أدوية، ما بين دوا A, B, C بص عليهم كدة وقللي مين فيهم ليه higher efficacy، ال efficacy ديه بالنسبة لي تساوي ال Emax ال ال maximum response obtained by the drug ديه بالنسبة لي ال efficacy. مين فيهم higher efficacy. أو ساعات يقولوا عليه high ceiling سقفه عالي نمرة b صح؟ وصل ل maximum response اعلى من ال A وال C

طيب مين فيهم بقى more potent؟ ال A ال اقوى من ال B وال B اقوى من ال C اشمعني، عشان الجرعة الي تديني maximum 50 في الية أقل في ال A من ال b ومن ال B اقل من ال C. يبقى اقدر أقول كدة ان ال B has the higher Emax أو the higher efficacy لكن ال A هو the more potent صح؟ طيب انت لما تيجي تقارن أدوية ببعضها، شركات الأدوية لما تبيجي تعمل دوا جديد وتقارنه بدوا قديم بتعمل الاثنين. بتعمل ال efficacy وتشوف ايه الأخبار وتعمل ال potency.

وهتلاقي كتب ال pharma محيرانا، لما اجي أقارن هتلاقي كتب يقولك ال efficacy اهم. اننا أوصل ل maximum response بتاع الدوا أعلى من الدوا القديم. وتلاقي كتب تانية كاتبة لن لأ ديه ال Potency هي الأهم. كون الدوا بيديني تأثير كويس بجرعة صغيرة ديه اهم، انتوا رأيكوا ايه؟ أه ال potency غالبا هي الأهم أقولك لسبب، ل مش بس عشان كدة. ال efficacy أه، أنا ممكن أوصل ل response اعلى بس على حساب أعراض جانبية او toxicity عالية مش كدة يعني فيه factor تاني دخل في الموضوع هنا بقى. ان ممكن الجرعة الي توصلني لل Emax الي هي ال EDmax تبقى دخلت معايا في adversr drug effect. طيب غالبا كدة المقياس الي بيتاخد بيه، هو طبعا بنقارن بين الاثنين بس غالبا كدة هيبقى ال potency more accurate.

خلاص يا جماعة خلصنا من الحطة البايخة بتاعت ال dose response curve ديه هتلاقي كتاب القسم بس، قبل ما أنسى في النقطة نمرة خامسة في الكلام بتاع ال dose response curve هنا جاية. أقدر أعرف من ال dose response curve نوع ال antagonist واحنا لسة معرفناش أنواع ال antagonist فهنسبها ان شاء الله لما نشرح حاجة اسمها ال types of antagonists.

الكلام الي عندنا بقى في آخر صفحة 19 انواع ال ligands. كلام مكرر بقى احنا عرفنا أنواع ال ligands ولا لسة؟ أه. الي هم؟ لأ الي قبل ديه بقى. Hormone, chemical, transmitter, drug. ولو كان drug هيبقى حاجة من الي انتوا قلتوا عليها دلوقتي حاجة من الثلاثة يا agonist، يا antagonist، يا partial agonist. طيب بص بقى الجدول الجميل الي في صفحة 20 دة، هو مديك خواص ال agonist بيتهيألي كلنا خلاص حفظناها الي هي ال affinity وال efficacy وال rapid rate of association and dissociation. ومديك خواص ال antagonist لو خدت بالك هتلاقي ال affinity هي هي. لو خدت بالك كدة

هتلاقي الاثنين مكتوب عليهم +3 وال efficacy مفيش و slow rate of association and dissociation. ال Partial agonist نفس ال affinity وال efficacy أخبارها ايه بقى؟ Moderate صح. يعني ايه كلمة moderate بقى؟ كلمة moderate يعني ايه؟ In between ال agonist ال ال antagonist ال ال له zero يبقى هو حاجة في النص كدة. وال rate of association and dissociation مكتوب في الكتاب slow to moderate او slow او moderate slow. المهم ان هو بطيء دة الهدف منه. انه يفك من ال receptor ببطء ال عايز أقولهولك بقى هو حكاية الأمثلة ديه بقى. طبعا احنا تفقنا في ال general ال تقدر تحفظه خير وبركة ال مش هتقدر هبيجي وقته. الأمثلة بتاعت ال agonist كتير أوي بس هو مدي اتنين سهلين: acetyl choline و nor adrenaline. بتوع ال antagonists مدي atropine و ياريت تفتكر ال propranolol. سهل دة مش كدة. ال propranolol: beta blocker بيشتغل ك antagonist بيقل ال beta receptor على طول. ال partial agonist مكتوب مثال، امبارح للأسف عشان بتبقى أول محاضرة والواحد بيبقى لسة من دفع يعني انسحبت من لساني واتكلمت عن ال succinyl choline هتلاقي مكتوب فوق على انه partial agonist تنزل تحت في نفس الصفحة هتلاقيه مكتوب على انه non competitive antagonist. يعني مرة متصنف على انه partial agonist ومرة ثانية متصنف على انه antagonist. هم الاثنين صح، الاثنين مش غلط هقولك دلوقتي ايه قصة ال succinyl choline دة لو حبيت تحط مع ال partial agonist يعني يمكن مثل يكون أدق شوية ال pindolol فاكرينه، ال pindolol دة beta blocker بس قبل ما يقفل ال beta بيشتغل شوية، صح؟ فيعالي ال heart rate شوية قبل ما يعمل ال effect بتاعه. طيب بمناسبة بقى succinyl choline دة انتوا عارفين اكيد ال skeletal muscle بتشتغل ازاى. أنا اكتشفت امبارح ان الناس كانت فاكدة ان ال physiology دة كأنه ايه، امبارح أه، امبارح على طول، أه يبقى مش انتوا دفعة ثانية يعني هههه. فاكرين انتوا سمعتوا عن excitation contraction coupling، طب ما انتوا كويسين اهو هو ايه ال بيحصل في العضلة عشان تنقبض، معلش أنا همسح الجزء ال في النص كدة شوية عشان، الكلام دة هنقولوا تاني ان شاء الله في الجزء بتاع ال skeletal muscle relaxant بس مبدئيا كدة. انت عندك skeletal muscle كدة جايلها nerve يقولوا عليه ال somatic nerve مش كدة ال somatic nerve. ال somatic nerve دة بيطلع chemical transmitter اسمه acetyl choline يشتغل على ال receptor هنسمعه بالصدفة كمان شوية كدة اسمه nicotinic receptor ومش مهم نوعه بقى. هو كان فيه نوعين من ال nicotinic receptors نوع موجود على ال ganglia أسميه NN أو NG ونوع موجود على ال neuromuscular junction of skeletal muscle يقولوا عليه NM مش هتفرق معانا أوي مش هي ديه القضية، المهم ان فيه receptor اسمه nicotinic تمام؟ العضلة بتشتغل ازاى بقى؟ يعني لما تيجي impulse من ال brain على ال pyramidal tract على ال anterior horn على المش عارف ايه لحد ماتوصل الاشارة العصبية لل nerve دة يقوم خارج A.Ch صح كدة أي chemical transmitter بيحصلوا release. ال acetyl cholin is an agonist. على ال nicotinic receptor مش دة ال اخدناه من الجدول. Agonist يعني يعرف يعمل ايه؟ يعرف يمस्क في ال receptor ولما يمस्क في ال receptor يغير نشاط الخلية،

ويمسك بسرعة ويفك بسرعة. طيب عمل ايه بقى في الخلية؟ أول ما A.Ch يمسك في nicotinic receptor يفتح ال sodium channel. افكرتوا يروح عامل influx of sodium يدخل ال sodium يقوم عامل depolarization فهمنا صح. لحد ما يوصل لل level معين يبدأ ي release ال calcium من ال sarcoplasmic reticulum العضلات ويبتدي يعمل activation ل actin و myosin فيبتدي يعمل contraction. انتوا فهمتوا القصة مش كدة. طيب ال nicotinic receptor دة والخلايا العصبية ديه موجودة في حالة اسمها polarized state ول لأ. مش اي excitabile tissue كدة موجود في حالة اسمها Polarization يعني ايه؟ Polarized state يعني ايه؟ يعني فيه فرق شحنة فيه كهربيا بين برة موجب وجوة سالب. هو أنا على فكرة ضعيف جدا في ال physiology أنا بقالي كتير جدا مزكرتش ال physiology بس أنا فاكرا ان هو الكلام هو اتغير ولا لسة هو دة؟ طيب ال polarized state, الخلية ديه عشان تشتغل لازم يحصل فيها depolarization وبعد ما يحصل de polarized يحصل فيها repolarization. عشان كدة عشان ترجع تشتغل تاني ال depolarization معناها sodium excitability معناها ان ال sodium دخل وبعد شوية ال Potassium خرج وبعدين بعد شوية كل واحد رجع مكانه، وبعدين رجعت الكهرباء سليمة. مش هو دة ال action potential. خلي بالك دة مع A.Ch ييجي بقى في ال يعمل كدة يعمل depolarization بحيث ان العضلات تنقبض وبعدين يحصل repolarization... عشان أبقي جاهز للشغل تاني، عشان ال receptor دة يبقى جاهز لل excitation تاني

ايه بقى اللي ممكن يحصل في فكرة ال succinyl choline هم له سموه partial agonist؟

هو بييجي زي ال acetylcholine دة يفتح ال sodium channel كويس ال succinyl Ch شبه A.Ch حتى في الاسم لو اخدت بالك ييجي يفتح ال sodium channel يعمل influx of sodium يعمل ايه في العضلة؟ يعمل de, يعمل شوية contraction صح؟ وبعد كدة يمنع ان ال receptor يوصل تاني لل repolarization يعني حاجة أنا عرف انها صعبة شوية النهاردة، خلي ال receptor في حالة اسمه sustained depolarized عشان يقدر يحس بال ACETYL CHOLINE اللي طالع من ال SOMATIC NERVE. طيب انت متخيل بقى عشان امبارح كانوا فاهمني غلط انت متخيل ان العضلة اللي ال RECEPTORS فيها في حالة Sustained depolarization متخيل ان العضلة هتبقى قافضة كدة؟ بالعكس تماما؟ ليه بقى؟ عشان ال muscle اللي في حالة sustained depolarization هي في حالة absolute refractory period يعني ال transmitter عمال يطلع من العضلة عشان يشغلها وهي لا تستجيب. يبقى succinyl Ch ليه قالوا عليه partial agonist وعشان الأول بيعمل initial stimulation تلاقي العضلات انقبضت شوية وبعد كدة يشتغل ك antagonist صح.

كأنك بالطبط قافل ال nicotinic receptor بدوا بحيث ان A.Ch اللي طالع من العصب مش عارف يشتغل، بس سؤال كدة عشان أتأكد ان انتوا فهمتوني. هل هو فعلا قاعد على ال receptor؟ يعني هل فعلا Succinyl Ch occupying the receptor فمانع ان حد ييجي يشتغل؟ لأ، أمال هو عامل ايه هو عمل الحكاية ديه ومشي صح. مانع ان يحصل re

فخلى ال receptor كأنه مقفول مش كدة، يعني مهواش blocked يعني في ال adrenaline وال propranolol. ال propranolol بيمنع شغل ال adrenaline ازاى؟ قاعد على ال receptor هيجي ال adrenaline يشتغل على ال receptor ميعرفش. هيجي Succinyl Ch مانع شغل ال acetyl choline مش عن طريق انه قاعد على ال receptor ومش راضي يمشي، لأ. دة غير الكهربي بتاعت ال receptor ومشي. عمل حاجة اسمه sustained depolarization هو دة السبب اللي مخلينا مختارين مع ال succinyl choline حطيناه مرة partial agonist ومش غلط اوي، حطيناه في الخلية عمل نشاط شوية وبعد كدة قفل ومخليينه بعد كدة مصنفينه على انه non competitive antagonist هتلاقيه مكتوب تاني. لأ ملهوش دعوة بال potassium channel هنعرف لما ناخذ ان شاء الله ال skeletal muscle هنعرف فيه two phases في شغل Succinyl Ch هنعرف phase واحد بيحصل فيها ايه وهناخذ ان شاء الله phase اتنين بيحصل فيها ايه. هناخده بالتفصيل ان شاء الله بس فكرة مبدئية عشان الناس لما شافت Succinyl Ch مكتوب مرتين اتلخبطت وانا لخبطتكوا أكثر فيعني ايه كدة تمام. اللي أنا عايز بس أقوله هو ال Succinyl Ch بيحدد كثير في الجسم؟ انت مسمعتش المعلومة ديه قبل كدة ال succinyl choline دة؟ بالطبط short duration خمس دقائق أو عشر دقائق امتي يطول بقي؟ هو ايه أصلا اللي بيخليه يقعد شوية صغيرين كدة؟ ان ربنا خلق enzyme اسمه pseudocholine esterase بيتصنع في ال liver وينزل في ال plasma وأول مأحقن Succinyl Ch ألقى الشغلانة ديه، شوية contraction وبعدين مفيش حاجة خالص لأنه بيتكسر بسرعة أوي بال pseudocholinesterase امتي معرفش أكسره؟ لو ربنا خلقني عندي عيب في pseudocholine esterase enzyme وبدخل في حاجة اسمها apnea يبقى دة بالنسبة للجزء بس بتاع ال partial agonist.

:Types of antagonist

تعالوا بقى نتكلم عن حاجة مهمة أوي في الامتحانات اسمها ال types of antagonist ال antagonists اللي احنا عمالين نتكلم عليه دة اللي هو ملهوش efficacy ويمنع شغل ال agonist فيه نوعين كبار منه. فيه نوع من ال antagonist يقولوا عليه competitive زمامد فيه competitive يبقى فيه non competitive. طيب الفرق البسيط كدة بين النوعين ال blocker أو ال antagonist اللي بيوقف ال receptor عن طريق competitive قابل للازاحة بالعربي. يعني ايه؟ أنا عندي مثلاً propranolol على ال receptor ييجي ال adrenaline ميعرفش يشتغل، لو زودت جرعة ال agonist، I displace the antagonist from the receptor؟ أقدر أحرر ال receptor من ال competitive antagonist وأرجع أشغله تاني. عشان كدة يقولوا ايه عن ال competitive antagonist دة؟ يقولوا عليه reversible صح. ويقولوا عليه كلمة مهمة أوي مكتوبة في الكتاب يقولوا cermountable قابل للازاحة أقدر أطرده بس شرط مهم اني we have to give excess agonist، ال agonist العادي اللي في جسمي أو اللي بيتخذ جرعة عادية مينفعش. يبقى كأنها ايه؟ هي competitive يعني كأنها؟ خناقة. بين مين ومين؟ Agonist و antagonist. مين اللي بيكسب. في العادي يعني ال antagonist هو اللي قاعد قافل كدة. امتي ال agonist يكسب؟ لو excess عندنا مليون مثل. ال atropine متخايق مع ال acetyl choline على ال muscarinic زي ما هنعرف ان

شاء الله في الautonomic. الadrenalin بيتخايق مع الpropranolol وغيره على الbeta كتاب القسم حتى كاتب مثل أنا نسيت أقولهم امبارح. دوا اسمه الnaloxone الopiate لما ناخده ان شاء الله الmorphine له specific receptor اسمها الagonist مسمعتوش عنها قبل كدة أو حاجة. المهم انه فيه نوع معين من الreceptors هو naloxone عليها الantagonist هو الopiate receptors. يبقى الnaloxone دة بيشتغل كcompetitive antagonist مع الmorphine. ان شاء الله لما نوصل للpropranolol وأسألك السؤال اللي معرفش فيه كل الناس بتتخض منه وأقولك ايه الmechanism of action of propranolol؟ صح. Competitive antagonist. لازم تقولي بقي بي compete مع مين بيتخايق مع مين مع الagonist مع الadrenaline بيتخايقوا على ايه على الbeta receptor. ولزم تكون فاكر اننا لو كترت الadrenaline أقدر أطرده الpropranolol ونفس الكلام في الatropine الatropine بيتخايق مع الacetylcholine على الmuscarinic receptor. الatropine لو حصل منه تسمم من ضمن طرق علاجه اني أزود الacetylcholine. عشان عارف ان الaction بتاعه competitive وinhibitor وcertainly.

طيب تعالى نشوف بيعمل ايه في الdose response curve لو كان الدوا competitive antagonist تعالى نشوف هيعمل ايه في الcurve اللي رسمناه. دة agonist دة مش antagonist دة دوا بيتاخد في الmorphine لعلاج الادمان بتاعه، ادي نبص بقى الdose response curve أنا رسمته، ادي الlog response وأدي الdose ورسمته فطلع الdose response curve زي مارسمناه قبل كدة. معلش أنا بايخ وبعيد وبكر والناس بتزهق وكل حاجة الdose response curve دة اتعمل لagonist ولا لantagonist الagonist طبعا

عرفت منه ايه الdose response curve كدة؟ عرفت الEmin والEmax وقلنا الجرعات بدل ما هتزيد وعرفنا يعني ايه E50 صح، وطلعت حاجة اسمها EDminimum يعني ايه يعني الجرعة اللي تدي الresponse الأقل في الcurve طلعت الEDmax الجرعة اللي بتديني maximum response وحاجة مهمة أوي كمان الED50 الجرعة اللي هتديني 50% اللي هي بالنسبة لي الpotence.

طيب أنا بقى عندي في العمل ادوني acetyl choline قعدت اشتغلت عليه وطلعتله الdose response curve كدة، وبعدين ادوني antagonist حطيته على الIntestine اللي أنا شغال عليه وبعدين رجعت حطيت الagonist. فهمتوا بقى احنا بنعمل ايه؟ يعني بدي agonist وارسمله الdose response curve وبعدين ادي antagonist وبعدين أرجع تاني ادي agonist وارسم الdose response curve تاني. يبقى الdose response curve دة يعني عشان يبقى كلامي صحيح دة بيقولوا عليه في الكتب الdose response curve بتاع الagonist alone تمام كدة، أو بلاش الagonist before the antagonist. الcurve التاني دة: اسمه the dose response curve after the antagonist. فهمتوا قصدي يا جماعة يبقى هم اتنين الdose response curve كدة واحد لما اديت الagonist لوحده، وواحد لما اديت الblocker وبعدين رجعت اديت الagonist. طيب دة شكل أنا أقدر أقول من الcurve اللي انت اديتهوني دة ان الblocker دة competitive. ايه اللي حصل

بص على ال dose response curve كدة، shift to the right صح. وبص عليه كدة موازي لل curve الأولاني يبقى اسمه parallel shift to the right أي حاجة بقى في ال statistics أو في ال curves حصلها shift to the right؟ معناها حصلها إيه؟ أنا أقدر أخذ نفس ال response بس جرعة أعلى مش دة اللي حصل؟ هو ليه اضطريت أدبي جرعة أعلى؟ عشان أطرد ال blocker ألي على ال receptor مفهوم كدة؟ المهم أوي ان أنا أقدر أوصل لل E max أهو قدرت اوصل لل Emax صح، مش ديه ال Emax بتاعتي. أدبي قبل ال blocker وأدبي بعد ال blocker. بس بص كدة على الجرعات عشان أوصل لنفس ال Emax عملت إيه؟ رحت يمين. يعني إيه رحت يمين، يعني اضطريت ان أنا أزود ال dose. نفس الكلام بقى في ال Potency إيه أخبار ال potency يعني لو أنا عايز أقيس ال ED50 أهو، كويس. عايز أقيس ال ED50 لوحده، أدبي مع ال agonist وأدبي بعد ال antagonist إيه اللي حصل في ال ED50. الجرعة زادت، يعني بدل ما كنت بدبي الجرعة ديه لل response دة بقيت أعلى دة معناه ان ال potency بقت أقل.

هي كده كل ماكانت الجرعة اللي بتدينا نص ال response عاليه كل ماقلت ال potency ... أنا وصلت لنص ال maximum response بس على حساب ال dose وكل ده قايم على ان الدوا ... reversible, surmountable and competitive. لما يجيلي curve زي كده ويقول نوع ال antagonist مش عايزك تحفظ عشان هي سهله ... يبقى هو competitive لاسباب دي ان ال efficacy زي ماهي وان ال potency قلت وان حصل parallel shift to the right ده معناه ان we have to get higher dose to get the response

طيب لو ادوني antagonist تاني ماعرفوش ولقيت ال curve كده اللي هو على اليمين في الكتاب ... إيه اللي حصل ... هلاقي ان حصل shift لليمين بس non parallel ... دي معناها اني ماقدرتش اوصل لل Emax مها ادبت من جرعات وزودتها مش قادر اشغل كل ال receptors لان ال blocker هنا noncompetitive ده معناه ان مهما زودت ال agonist مش هاقدر replace the antagonist يبقى non surmountable ... طيب ال potency اخبارها إيه ... قلت. ده اللي علينا ... مين بقا هم ال noncompetitive antagonists: ... هي الادويه اللي هتقفل ال receptors وتمنع شغل ال agonist ومها زودت ال agonist مش هايعرف يتزاح ... بيتقسموا لمجموعتين: الاولانيه reversible ودي معناها ان receptor هيشغل و ان معظمهم هيقعدوا for short duration مثال بقا Succinyl Ch ده بيمنع ال acetyl choline انه يشتغل على ال receptor وهو مش موجود لكن بيخلي ال receptor يكون sustained depolarized ومهما زودت ال acetyl choline بردوا مش هيستجيب ... طيب ليه قالوا عليه reversible و short duration لان بعد 10 دقائق ال receptor هيشغل طيب ليه هيرجع شغال ده لان Succinyl Ch هيتكسر by metabolism وده مثال شهي لل reversible, non competitive ... لآخر مره ليه سموا النوع ده noncompetitive لان مفيش خناق بين ال agonist وال antagonist ومهما زودت جرعه ال agonist فيه قال LD (large dose nicotine) هو عامل زي ال succinyl choline.

النوع الثاني من ال noncompetitive هيبقى irreversible.

ده معناه ان مش هيجصل على ال receptor خناقه دي اول حاجه طب يعني ايه irreversible معناه ان ال antagonist مش هيمشي من ع ال receptor على مايعمل الجسم receptor تاني هيكون الاولاني ده باظ ...كتاب القسم كاتب مثالين irreversible anti choline esterase الالي هو ال organo phosprus compound ...طب ده شغلته ايه انه ييمنع ان الانزيم الالي هو ال choline esterase انه يشتغل ويكسر ال acetylcholine ...طيب فيه نوعين reversible anticholine esterase ده معناه ان هيعطل الانزيم شويه وبعدين يرجع يشتغل وفيه مجموعه ال organophosphrus compounds الالي هي irreversible anti choline esterase الالي بتمسك ف الانزيم عمرها ماتفك منه يعني مش هيرجع يشتغل تاني...طب امتي جسمي يكسر acetyl choline زي الاول ده لما اصنع انزيم جديد مفيهوش Organophosphorus compounds الفكره صح 100% بس مش ماشي مع الالي عايزين نشرحه لان الالي عايزين نشرحه بيشتغل على receptors ...يبقى المثل الصح اوي دوا اسمه phenoxybenzamine هو من الادويه ف ال metabolism الالي هيتحول من inactive drug ل active metabolite الالي يهمني انه بيشتغل ك blocker على ال alpha receptor بطريقه irreversible noncompetitive بيشتغل ازاى بقا ...هو بيمسك ف ال alpha receptor ولما يجي adrenaline and noradrenaline مش هيشغلوا حتى لو زودت الجرعه مش هيشغلوا بردوا لان ال phenoxybenzamine اصلا noncompetitive وال receptor مش هيرجع يشتغل لان اتكون بينهم وبين بعض covalent bond يعني ال receptor مش نافع تاني ...طيب مفيش حل غير ان receptors جديده تتصنع وحتى لو وقفت جرعته هيفضل تأثيره موجود لان ال receptors هتفضل مقفوله ...بس اهميته انه بيوسع الشرايين.

كده يبقى خالصنا الجزء بتاع ال antagonists اخر ملحوظه بس الالي هو بيتكلم على ال numbers of receptors ايه هي الالي بتخلي ال number of receptors بتزيد لما بتحرم receptor من ال ligand بتاعه كده بيزود عدده انتوا سمعتوا عن ال up regulation ده معناه زياده ال number and sensitivity of receptors ايه الحاجات الالي بتحرم ال receptor من ال ligand بتاعه ان ال ligand مش موجود لاي سبب كان سواء هرمون او chemical transmitter والسبب الثاني انك قافل ال receptor انك مدي blocker قافله فالخليه تحس ان شغلها قل بتحاول تعمل compensation فتحاول تعوض ده انها تزود العدد او تزود ال sensitivity ...العكس بقا امتي ال receptors تستخبي وتقل لو فيه excess agonists عايزه تقل عشان يبقى ال response بتاعها في حدود ال physiological فتلاقي ما يسمى بال down regulation عارفين الناس الالي بتاخذ ال salpitamol البخاخه بتاعت ال asyhma لانه agonist على receptor اسمه B2 يجيلك العيان بعد فتره يقولك البخاخه ماعدتش بتشتغل وده اسمه tolerance وده ليه لانك بتعرض ال B2 العيان ل agonist لفترات طويله تلاقي ان ال number مع الوقت عمال يقل الحل مؤقتا اني اوقف الدوا شويه وبعدين يرجع يكمل

اخر حاجه انهاردده ان شاء الله هي ال types of receptors:

الجزء ده معظمه شويه physiology بس كتابنا بادئ الكلام انه بيقول ان الreceptors ليها 2 functions انها تمسك في ligand وانها تغير في نشاط الخليه اللي هو signal transduction واحنا عندنا 4 انواع من الreceptors: اول نوع هو ligand gated ion channel receptors طب ده معناه ان الreceptor على بوابه ion channel ساعتها لما الligand يمسك ف الreceptor هيغير في شكله وبالتالي المحصله النهائيه ان الion channel هتفتح طب تيجي نشوف امثله: فيه receptor اسمه nicotinic لما يجي يشتغل عليه agonist زي الacetyl choline يمسك فيها ويفتح الNa channel هيحصل influx لل صوديوم وبالتالي يحصل وراها depolarization... المثال الثاني muscarinic receptors هنلاقي من ضمن انواعه الخمسه M2 اللي هو اهم مكان بيشتغل فيه هو القلب عشان كده بيتسمى ف المراجع الcardiac muscarinic... طبيب فكرني الvagus بيعمل ايه ف القلب. بيطلع نه acetyl choline يلاقي ف القلب receptor الM2 فيقلل... طبيب ازاى يقلل؟ ... الM2 ده لما يشتغل يفتح potassium channel وبما ان تركيزه بره اقل من جوه فساعتها هيحصله efflux of potassium اللي طالع ده عمال يزود فرق الجهد اللي بين بره وجوه عمال يضيف موجب بره وعمال يظهر سالب الخليه اسمه ايه hyperpolarization معناه ان الخليه suprised معناها ان الخليه بعيده عن الexcitation threshold فتبدا الضربات الطالع من القلب تقل انما لما اتلغى فرق الجهد بقا اسمه depolarization... المثال الثالث اللي هو الGABA وده inhibitor neurotransmitter ف الbrain وهو ليه نوعين من الreceptors: الGABA وده موجود ف الbrain و الGABAB وده ف الspinal cord على مستوى الskeletal muscle tone بيشتغل ازاى بقا لما الGABA يمسك في GABAA بفتح CL channel هيحصل influx of chloride معناه انك بتزود السالب جوه والموجب بره يعني بتعملي hyper polarization لكن الGABAB بيعمل opening of potassium channel هيحصل efflux وبالتالي hyperpolarization... كل ده واحنا بنتكلم في اول نوع وهو ligand gated ion channel.

النوع الثاني بقا معروف اكتر وهو G-protein coupled receptor... الG-protein ده موجود جوه الخليه ف الcell membrane انا اللي يهمني ان فيه منه انواع GS, GI, Gq طب شكل الreceptor بتاعه ايه... شكله زي التعبان فيه 7 loops بيعدوا داخلين طالعين ف الcell membrane... يجي ligand يمسك ف الreceptor من بره وتتنقل الاشاره لحد الG protein ويبدأ يحصل بقا حاجه من الثلاثه اما الGS هو اللي يشتغل ياما الGI هو اللي يشتغل ياما الGq هو اللي يشتغل... طبيب هنفترض ان الأدرينالين جه مسك ف الreceptor فقام مشغل الGS فهينشط ايه الadenylyl cyclase اللي بيحول الATP لcAMP وده اللي هيحصل كل حاجه ليها علاقه الB receptors اللي بيمسك فيها الادرينالين طب عندنا receptor اسمه alpha2 هيشغل بنفس الطريقه هيمسك فيه الادرينالين هيروح عامل activation to GI protein بما انه I فهيعمل inhibition to adenylyl cyclase وبالتالي هيقلل تحويل الATP للcyclic AMP اللي هيقلل كميته الSECONDARY MESSANGER فيحصل عكس الB فاكرين الmuscarinic هم 3 انواع مهمين قولنا ان M2 بيشتغل بطريقه الligand gated

اللي بيمسك فيه ال acetyl choline ويعمل hyperpolarization... طيب & M1 alpha stimulation to phospholipase C ده كان بيعمل M3 بيشتغلوا عن طريقه Gq ده كان بيعمل enzyme وده هيكسر ال phospholipid ودهيديني DAG و IP3 ومعاها ف النهايه كالسيوم

...

طيب النوع الثالث بقا tyrosine linked receptors... الinsulin receptors بيتكون من subunits 4 اثنين قاعدين بره اسمها alpha subunits واثنين اسمهم beta بيخترقوا ال cell membrane وكله متوصل ببعضه هنلاقي ان الانسولين بيمسك ف الalpha subunits ويحصل بقا activation to B ساعتها هينشط انزيم اسمه tyrosine kinase فيبتدي يحصل phosphorylation ويبتدي بتنشط حاجه اسمها signal transducer يروح على الnucleus وينشط GLUT-4 وبالتالي يفعل شغل الانسولين وبالتالي نقوم منها انه شغله مالهوش علاقه بحاجه غير بالtyrosine kinase

آخر نوع بقا من الreceptors الي هو gene active receptor او DNA linked receptor غالبا هلاقي الreceptor ده ف الnucleus او ف الcytoplasm لازم يكون ليه شرط مهم انه يكون lipid soluble عشان يعدي الcell membrane ويمسك ف الreceptor وبعدين يمسك ف الDNA في حته اسمها الgene هي عمل حاجه من الاتنين يال gene expression يعني يعمل transcription و احيانا تانيه يحصل gene repression الي بيقلل فيها عمليه تحول الDNA الى mRNA ودي عمليتين عكس بعض يبقى غالبا ده هيبقى متحكم في عمليه الprotein formation, هرمونات كتيره بتشتغل كده thyroid hormones

حاجه اخيره بقا اسرع receptor بيدي response هو ال ligand gated لان اول مال ligand يمسك ف ال receptor يفتح ال channel وبعدين يشتغل وابطا واحد هو ال gene active لانه محتاج القصه بتاعته الطويله دي الاتنين التانيين غالبا بيشتغلوا within seconds to minutes

